

www.BibleForChildren.org



Génesis 6




Noé ipaoni cuscahuunoa cununi
isca huaquin. Noé nocofunu
fasi sharacoin ini. Diosin yoia
cuscacoin huapaoni. Ascashon
Diosi amapaiyai cuscan aru fusti
huafafainpaoni Noé

niyoatiancai rato

futsan

Diosi amapaiyai
cuscan huapaonima.



Ascano Diosin oinni nantifi
yorafoan fasi chaca fustisi
shinanfafainaifoan. Ascan
nan acaifo cuscan fasi
chacacoin ini. Nanscara chacafo
oinqui Diosin Noé yoini isca
huaquin, —Un shinain
cuscan
un nantifi yorafo
cuyoi.



Nanfohuunoashu nantifi yorafo fasi
sutumitsamisifo non rutumitsamisifori
ichapacoin maitio ano. Ascacufin un ato
nantifi cuyofain nan maitiori un
ununhuanun fuposhquin.



Ascacun nan ihui ahuun anu cipris
shashohuan huahuu. A muran cunifo
huahuu. Ascashon ocumuran yafi ahuun
pishiri foin foyaquin shara huahuu a
muran unu iquinonma.



Natian shashohuan
huahuu. Ahuun
chainipa ciento treinta
y cinco metros
huafain
ahuun ashfa


veintidos
metros y
medio huafain
ahuun cuya trece
metros y medio huahuu.




Ascashon tushu futsa
futsatapafori shashohuan
muran iquimahuu min
yorafo non nan mato fu
iquiafoanri pinonfo,
—ishon Diosin Noé yoini.




Ascashon min shashohuan muranri nantifi yoina futsa
futsatapafo yafi inafonon puiyafori funu yafi ahuin
iquimahuu mato fu ninonfo.




Nantifi yoina non inahuafo man pitiro cuscan yafi ua
man inantiro cuscan siete ahuin non funufori
shashohuan muran iquimahuu. Asca nan
yoinafo yafi inafo non pitiroma
cuscarafofin ua man inantiroma nanfo
ahuin fusti yafi funu fustiri
iquimahuu.





Ascashu Noé non ahuin
non furu rafu non fusti
ahuinfori shashohuan muran
iquinifo asashcaquima.





Ascan Noé seis cientos fariya
oshu rafu non diecisiete osha
anaitiashu ahuan shashohuan muran
iquini. Nan shafatari nai murannoashu
oihuanrasi funi.





Mai murannoashuri unu ichaparasi
chinohuinifani Ascashu cuarenta
oshatan oihuanrasi fuicai. Nusunima.



Ascano unu faitahuan afi yosiriaino
shashohuanri nonoinani.



Fasi yosiriaquin machi cuya fuponi. Nan machifi nantifi
machi futsafo finoncoian iniquin. Rato machicai na mai
ano atioma cuyacoin. Ascashu nan mai ano niafo
shacaitirofo nantifi asain cuyonifo.



Ascano Noé yafi nantifi yoinafo a fu
ahuun shashohuan muran icafo Diosin
atohuunoa shinanni. Ascashon Diosin
unu fumancayan fuu fumani. Nan
fuuhuanun unu nasha huaquin tau
huani.





Ascatan Noé ruhuinri nichini
man mai mutoamainquin
tapipaiquin.



Ascashu oshu rafu yafi veintisiete oshatan mai
mutocoinni. Nantia Diosin Noé yoini isca
huaquin, —Natia shashohuan
murannoashu min ahuin non min
facufo yafi aton
ahuinfori caincahuun.



Ascano shashohuan murannoashu cainta Noé
toquirifo putsainiqui
acamaquishon ina
rututi huani Diosi
inanshquin. Diosin ato
numa cuscan ismashquin.
Aqui fasi unimacoinquin
Noé nansca huani.



Yoinafo yafi nan inafo non puiyafori nan piatio cuscan
futsa futsatapafo
fusti rasi rutuni
toquirifo putsamuinia
camaquishon coanifo
Diosi ismashquin.






Ascacun
nahuanfai oinquin
man tapitiro un
mato rama yoia
cuscan iconcoincun.
Mato fusti un yoima. Nan
chipo cainshquin nantifi

yorafoti un mato yoia
cuscan icoinran
huatirofo. Ascashon
nanhuanfai un nai coin
muran hua afanan
faitahuanacamaran ishon
man tapinon.





Un mato yoia
cuscan nantifi
maitio anoafoan
icoindra huatirofo.
Unfin coinmanhuan
muran nanhuanfai
potuincain man oionon.


Ascashon oinquin man
tapitiro uncai mato
yoiyoa cuscan un
ointiaquimanacama mato
yafi yoinafohuunoa un
afanan faitahuanun maitio
fuponacama cuyononfo.



Ascan Diosin Noé yafi
ahuun facufo tsain shara yoiyoni
isca huaquin, —Facu ichapa
caihuacahuun maitio ano inonfo.
Ascashu Noé yafi ahuun
facufo shashohuan
murannoashu fonifo.



Nan ahuun facufoan
ato anu Sem yafi Cam non Jafet.
Nan Cam Canaán ahuun apa ini.
Nan rafu non fusti Noé facu ini.
Nanfohuunoashu afanan nan
maitio facu ichapa caini.



Unfin Upa Diosin Facu fustiquin.
Ascafiashu nantifi yorafohuun fasi
noiquin ua nichini atohuunoashu un
nanon. Nan ua icoinra huafoti
omitsiscapatamarocon Upa
Dios fu ipasharanonfo.



Romanos 3:23 Manifoti anoafoan nantififain man non chaca huamisi. Upa Diosin noco imapaiyai cuscacai tsoa acoinmisima.

Romanos 6:23 Tsoa chaca ahuun ifono ahuunshon ato omitsiscapanacafo muran potashquin. Ascafia nocon Ifo Jesucristohuunshon Upa Diosin noco cashman numano non afu ipanon.

Hebreos 9:27 Ascan nantifi yorafo non nai futsushquin. Noncai nofiri yoitiroma ahuutianmain non naicain. Diosin fustiton yoitiro. Naashu nantifi non aqui nocoaiton niyoshon non amisi cuscan noco yoishquin. Noco yoiano nan Jesús icoindra huafoti afu ipasharatirofo. Nan icoindra huamisifoma ato omitsiscapanacafo muran potashquin.



Efesios 2:8,9 Asca afanan un mato yoi. Non ahudara shara huahuu rafanancai noco Diosin numaima non omitsiscapanonma. Diosin afi nocohuun ramapaicoishon noco cashman numai noco chaca soashoshquin. Ascan tsoacai iscatiroma, —Ufin Dios shara huamisiquin. Ascashufi un Dios fu ipatiroquin, —ishocai tsoan anori yoitiroma. Ascatama non Jesús icoinra huaiton Upa Diosin noco numatiro non afu ipanon.

Romanos 10:9,10 Ascano, —Jesús uhuun lforan, —huafain man shinanquin isca huai, —Jesús nafiacun Apa Diosin funimaniran, —ishon maton nomuran man icoinra huaiton maton chaca soashotiro afu man ipanon. Ascan maton nomuranshon man icoinra huacun Upa Diosin maton chaca soashotiro man isharonon. Man futsafo, —Jesucristo uhuun lforan —ishon yoiaiton mato imapacunaca.



Juan 3:16,17 Unfin Upa Diosin Facu fustiquin. Ascafiashu nantifi yorafohuun fasi noiquin ua nichini atohuunoashu un nanon. Nan ua icoinra huafoti omitsiscapatamarocon Upa Dios fu ipasharanonfo. Ua mai ano nichini un ato onaintimatama un aton chaca soashonon uhuunoashu nipanonfo.

1 Juan 5:11-13 Isca huaquin Upa Diosin yoini, —Uhuun facuhuunshon un mato nimapacutiroran, —ishon yoini. Tsoa Furun fu rafuafin nipanacaquin. Ascafia tsoa Furun fu rafuamacai nipatiroma. Jesús Diospan Furun man icoinra huaa. Ascan un mato nanfo cunushoni man nipanaca man tapinon.



Génesis 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Sharanahua Diospan Bible (mcd) © 2008, Wycliffe Bible
Translators, Inc. All rights reserved.

<https://www.bible.com/bible/522/GEN.1.MCD>

©2025 Bible for Children, Inc.

www.M1914.org

www.bibleforchildren.org

